

書 藝 集

日往同唔時今

三聯書店贈



行 印 屋 書 洋 海




1537
1537

714.8
7700

書 叢 人 萬

日 往 同 唔 時 今

著 文 歐



行 刊 屋 書 洋 海

1948

上場人物

羅氏：李昌妻，善良，勤勞，年廿八。

鰥仔：李子，八九歲，最大不能超過十二歲。


李昌：一個卅歲左右嘅煙賭鬼。話佢係「拖右蹺蹺」嘅，佢唔够資格，因為佢冇乜祖蔭，話佢係「爛仔」，佢亦唔係幾够資格，因為佢唔係一個打手。但係游手好閒，不務正業嘅作風，就係一樣嘅，正如北方所講嘅「二流子」一樣。

陳二嬌：熱心腸，心直口快，婦女會長。

黃坤：三十幾歲嘅農民，算起來係李昌嘅表哥。

鄉長：民主鄉政權負責人，自然係一個耐心，沉着，精明嘅長者。

自衛隊一人。



第一場

李昌家。

羅氏帶住個仔蝦仔上，面有菜色。

羅：（苦喉龍舟）真可怕，冷月寒天。衣不蔽體怎成眠？母子二人唯有淚痕滿面，兩餐唔飽受盡熬煎。可恨蝦仔阿爸佢成日咁賭錢（讀淺音），耕田就懶理一味煙賭流連。屋企嘅傢俬賣完一件又一件，全無生產問你食得幾天？咁樣做人真下賤，仔呀你要捱飢抵餓，我有苦難言！

蝦：媽，我肚疼！

羅：蝦仔，你實係肚餓呀。等爸爸賣咗個鑊番嚟，就可以買的嘢你食咯。

蝦：唔，我黝死亞爸爸，佢成日賣嘢都唔見佢擺錢番嚟嘅。

羅：唉……

（李昌上）

李（賣什貨調）：呢個李昌真倒運，冇的精神。政府禁賭真冇滙，搞到我手痕痕，而都而都暗，攞到我手痕痕。

橫床直竹真過癮，蝦公咁嘅身。唔曉吹煙真正笨，未得謂之人，而都而都暗，未得謂之人。

羅：人人人也嘢呀？個鑊賣咗未呀？

李：……

羅：我問你，個鑊賣咗未呀？

李：賣咗咯！

羅：錢呢？

李：你問嚟做乜嘢？

羅：蝦仔餓得好辛苦，鑊鑊嚟買的呀佢食喇。

李：我煙癮起重辛苦呀，攞的錢嚟我吹兩口喇。

羅：（悟）吓，個的錢你又攞咗去蔣管區吹鴉片咩？

李：鴉片咁多錢重唔够癮添嘅！

蝦：（靜靜地帶住哭音）媽，我都話爸爸唔會搵錢番嚟嘅咯。

李：（不期然聽到）蝦，你講乜嘢？（蝦仔嚇得匿嚟羅後。）

羅：唉！我成日都叫你顧住一家大小咯。你成日又吹又賭，不務正業，點解唔搵的正事

做吓……

李：哼，你重教訓我添，女人之家識乜嘢呀？

羅：我雖然係唔識嘢，之成家人都捱肚餓，屋企什物又當盡賣盡咯，你都唔……

李：（暴躁）囉唆做乜嘢？你怨個八字生得唔正嘅喇，邊個叫你嫁着我李昌？

（羅泣，蝦仔亦哭起來）

蝦：（細聲）媽，我肚疼……（哭得較大聲）

李：你個衰仔，唔怪得我咁衰咯，被你哭衰晒！（從羅懷內拖出蝦仔，打佢。）

羅：（搶返蝦仔，哭做一團。）

（靜默一陣，陳二嬪上。）

陳：（中板）鄉長叫我嚟把李昌勸，勸佢開荒勞動戒洋煙。昌嫂生活搞唔掂，叫佢參加紡線好賺錢。（進門，李見陳，好討厭咁企過一旁，不理。）哼，見親你都好似貼

錯門神嘅！

羅：（揩乾眼淚）二嬸，請坐。

陳：你做乜嘢哭呀？

羅：我有哭。

陳：唔好嘅二嬸咯，雙眼腫成鵝鵝嘅，重話冇哭添。做乜嘢呀？

羅：唉！（又揩淚。）

陳：你地食咗飯未？

羅：食咗咯。

蝦：未呀，兩日都有食咯。（羅想制止佢。）

陳：蝦仔阿媽，我明白你，「有苦自家知」。不過你唔好當我係外人，你講出你嘅苦處

唔通我會笑你咩？

羅：（哭得更傷心。）

陳：阿昌，算起你屋企嘅事，我重靈過占卦先生呀。你梗係又賣咗嘢，吹咗烟，叫屋企

人勒實秧頭帶，昌嫂話你兩句你又蝦佢咯，係嗎？

李：蝦唔蝦關你乜事？

陳：嘖嘖，話兩句都唔使碌大雙眼咁惡卦，想食人咩？

李：譚趣嘅就咪多講。

陳：昌嫂，而家鄉長組織全鄉勞動，變工生產。（故意望昌一眼）全鄉訂咗公約，唔准剩一個好食懶飛嘅人！

李：邊個好食懶飛？

陳：蝦仔阿爸，你咪攞住。（自忖）開言叫一聲，蝦仔嘅爸爸。賭錢吹大烟，害人唔係假。一旦烟癮起，心事亂如麻。咁大隻後生，應該聽吓話。鄉長叫我通知你，即刻戒烟開荒揸犁耙。開咗荒田唔征糧，收成有望唔在話。快的去勞動，聽錢嚟養家。

李：（接唱）咪嚟處囉唆，你的教訓我聽到怕。

羅：（接唱）人家係好意，乜你咁囉唆？

陳：（接唱）你既然唔聽，昌嫂你來紡線嚟。『作手勢』

羅：（接唱）紡線雖然好，冇本就冇揸拿。

陳：（接唱）昌嫂你唔知，政府有辦法。辦咗合作社，紡車借俾大家。棉花有得領。

本唔使怕。交番棉線有錢長，食飽着暖笑嘻嘻。

羅：（接唱）我唔識合作社，點樣去講話？

陳：（接唱）我婦女會長發動人家來紡線，而家同你去借車領棉花，而家同你去借車領棉花。（白）去咯，而家去合作社咯。一日紡幾兩線，包够你兩仔慳飲食。（指李

）佢唔聽話，唔生產，由佢餓喇。走！（羅起身。）

蝦：媽，我肚疼！

陳：好喇，同我去，我買個餅嚟醫吓你個肚喇。（陳羅蝦同下。）（李哼一聲坐下）

第二場

黃亞坤家。

黃亞坤在家執拾犁耙，預備下田。

黃：（龍舟）天氣好，執拾犁耙。窮人今日冇人蝦。執好犁耙耕土地，收成有望世界繁華。舊時耕田爲地主，今日耕田爲自家。共產黨係我地嘅救星唔在話，政府領導人民勞動有揸拿。鄉長話要變工開荒山地草田都唔怕，因爲集體勞動收效頂瓜瓜。我黃坤大隻雷雷當然要出馬，爭番個勞動英雄咯。咁快樂榮華，（坐下忙于修理鋤頭）

（李昌閃縮上。）

李：（打呵欠，唱龍舟）。烟癮起，冇晒收。無錢吊癮眼鼻口水一齊流。好衰唔衰個肚又餓到透，唯有嚟黃坤老表處吼一吼。好彩借到的水頭又可以整番兩口，（望）原來佢咁好心水嘅處修理鋤頭。（進）

李：喂，老表，咁好心機修理鋤頭咩？

黃：（望佢一眼，繼續修理。）

李：喂，老表……

黃：有話就講喇。

李：我呢幾日搜席，你……

黃：我也呀？

李：你僧住一斗半斗米俾我得唔得？

黃：我睇你想要嘅係黑米啫？

李：老表，唔好講笑咯。幫下手啦。民主公糧你都幫得俾政府咯；我地親戚上頭，你更


加應該幫下手喇。

黃：你都講得幾好聽。政府係乜野？你係乜野？政府軍隊保護老百姓幫助老百姓過好日

子，你就曉得劏烟床，賣爛鏟！

李：老表，唔好咁開法啦。

黃：係你自己擺廢衰嘅。今日無論點都冇米俾你，俾到你都係白米變黑米嘅啫。老實對你講，政府而家號召開荒，平時不務正業嘅人都要郁手，如果你肯改邪歸正，你就



唔憂食着嘅。

李：到個陣時都餓死咯。嚟喇，唔借一斗借五升喇！

黃：冇！

李：三升？

黃：冇！

李：二升？

黃：（討厭）冇！

李：（唔落得台）坤哥，托手蹲都唔好托得咁應卦？我李昌都有脾氣嘅嘢！

黃：我借俾你係人情，唔借俾你係本份，乜野叫做托手蹲？

李：我李昌重要撈嘅嘢，你噉甩我鬚你因住嚟吓！

黃：我未見過惡人，你唔駛拋我。老實對你講，而家訂咗鄉民公約，大家團結，反對爛仔。舊時就話好佬怕爛佬，爛佬怕潑婦，而家就乜都唔怕。蝦仔怕你，你女人怕你，大家就唔怕你。米係我嘅，錢係我嘅，我偏唔借畀你呢個爛仔去吹鴉片！（氣忿忿下。）

李：哎唷！（口花花調）吹煙存聲氣，求人人鬧你，我有晒心機。番歸出番噤氣，老婆唔駛忌，爛碗都偷隻出嚟。（打呵欠下。）

（幕）

第三場

李昌家。

羅氏在內擺線上。

羅：（中板）羅氏近來好光景，每日紡線五兩零。擰去轆錢能活命，合作事業萬家興。

陳二嬸講來真高興，婦女會內我報咗名。丈夫做爛人我唔答應，同佢鬥爭我愛贏。

（將線放喺桌上整理。）（蝦仔奔上。）

蝦：媽，你嚟！我學你紡線，個架車整壞咗咯。（牽羅）

羅：吓，你咁頑皮。車係人地㗎，整壞點得了。等我嚟修番佢喇。（與蝦奔下。）

李：（上，唱口花花調）番歸兩邊貢，天寒兼地凍，餓到我肚空空。番攤冇得中，橫財

難望碰，定必一世窮。（白）咦！乜鬼影都有隻呀。睇過有的乜嘢作番件把出去賣

吓先。（睇見個紮包好嘅線）咦！（四週望，無人。將線袋好，紙包放桌上，忙出

門。）

羅：（搵蝦仔上。）呵，蝦仔阿爸你番嚟咯咩？

李：噯，噯，我有事又要出去咯。

羅：一陣先。阿昌，你去邊處嚟？

李：我喺外邊行嚟啫嗎。

羅：我紡倒線咯，擰去合作社就可以攞錢番歸。陳二孀講，人人都要生產，我睇你都唔好學舊時咁咯。鄉長講得有錯嘅。

李：冇錯！我夠冇錯咯！錯在裏起番嚟冇烟食之嗎！

羅：唉！你聽下話喇，戒咗鋪烟佢，做過好人。（走向紙包個處。）噏，的線換到錢就可以買米番來煮飯你地食咯。

蝦：（一直跟住媽媽。）媽，我同你去合作社。

羅（取線）

李：（見羅取線，想出門。）

羅：（唔見線，大嚇一驚，撲前捉住李。）係唔係你擰咗的線？

李：（裝傻）乜話？

羅：線，我紡個的線呀！

李：我見都未見過。

羅：你有見？就係你一個人喺呢處，快的俾番我。

李：我有見到，俾風你咩？

羅：我叫你老豆嘞！我紡線聽到嘅錢，你駛幾多都唔緊要。呢的線係要交番畀人嘅，你賣咗我有錢賠。你真係激死人咯。快的畀番嚟，唔畀唔得。

李：咪喺度賴死嘞，邊個擇過你的線？

羅：好喇，畀番的線我，領番來嘅錢都畀你就係咯！（趨佢）

李：（推開羅）躑屍！

羅：（又捉住佢）唔得，你唔擺番的錢出嚟我唔放你！

李：我駛震你咩？

羅：我又唔驚你，如果你唔畀番的線我，我去鄉長處告狀！

李：（一掌推倒佢）哈，你都學人講平等，動不動就話告狀吓！我睇你有幾多條命？（想打羅。）

蝦：（哭起來，摀住李，伏嚇媽身上。）爸爸，你唔好打！

羅：（猛起身又捉住李。）你咁唔講道理，好，同我去鄉政府！

李：（又將佢推倒）你去阿進度喇！

羅：（猛起撲上來。）

李：（向羅腰猛力踢一脚）去擺斗喇！（羅哎唷一聲倒地，蝦哭叫媽，李兇兇然下。）

（幕）

第四場

裏幕之前係陳二孖家。

羅氏拖蝦仔上。

羅：（中板）手拂蝦仔心悲愴，兩行清淚到前莊，搵到二孖從頭講，鄉政府來告狀說端

詳。（白）陳二孖，陳二孖。

陳：（上，接唱）我正在家紡棉線，忽聞門外有人言。連忙走出門外便，原來蝦仔阿媽

在眼前。（白）昌嫂入嚟坐喇。

羅：二孖，我有緊事同你講。

陳：乜野事呀？睇你又試眼淚汪汪，又係阿昌唔生性定嘞！

羅：佢偷咗我的線，重要用腳踢我……………

蝦：佢重想打阿媽，好在我幫阿媽手咋！

陳：吓，豈有此理，偷咗你的線重要行兇！而家係新社會唔你估齊管區咩？個個野好人

唔做，同佢過日子都係艱難嘅咯。我睇佢唔會變嘅咯，索性同佢離婚喇，有氣有力你慌搵唔倒食咩？（拖羅唱前腔。）一路行來一路走，二嬸憤怒在心頭。見到鄉長講澈透，離婚事幹訴從頭！（行）

（裏幕啓，呢處係鄉政府。）

陳：鄉長，鄉長。

（鄉長上。）

鄉：二嬸你嚟咩？（睇見羅）二嬸，我托你勸阿昌改邪歸正，變工開荒，佢點表示呀？

陳：真騮死人咯，重講變工開荒。鄉長你要同我地婦女出頭至得嘞……………

鄉：乜野事呀？

陳：唏，蝦人蝦得真交關嘞……………

鄉：到底乜事啫？

陳：個爛仔李昌又吹又賭不務正業，（指羅）佢老婆參加合作社紡綫，醵錢養佢重唔算數。重要偷佢的綫。問佢擺，唔畀就算啦，重要行兇踢人。鄉長，唔得，我代表我地婦女對呢件事點都唔退讓。

鄉：哈，李昌呢個嘢越搞越唔似樣。

陳：鄉長，呢一件事你要辦至得㗎！

鄉：李昌呢個嘢真係唔學好嘅。

陳：鄉長，你睇（指羅同蝦）佢地就要餓死咯。我睇不如離婚各走各路，唔係亞昌嫂佢地就要自生生餓死咯。

鄉：（向羅）你覺得點呀？

羅：（無表情，長嘆一聲，揩淚。）

陳：揸定主意喇，同佢拆散算嘞！

羅：唉！怨我唔好命㗎喇。

陳：睇，你重係封建頭腦，乜嘢叫命呀？而家生產勞動，個個都過好日子嘞！你自己艱難，唔係命唔好，係李昌唔生產唔勞動，你跟住佢就要餓死。離婚，離婚！

鄉：（向羅）你表示你嘅態度。

羅：唉！實在冇辦法就離婚！

鄉：呢個李昌，從前我勸過佢好多次，呢次又托陳二嬭去勸佢亦都唔聽，都算頑固咯。

陳：唔祇頑固，佢直程割隻耳埋牆，蘇都唔蘇你。我舊時又唔係勸過佢咩？呢個人冇變嘅咯，離婚！

鄉：一嬾，你嘅主意係啱嘅，不過我地新政權對於爛仔係要想辦法救佢。都係人嘛，人總會改變嘅。我地重係想多的辦法救下佢喇。

陳：第的人有救，李昌就有救！

鄉：都唔係嘅。（自語）想的乜野辦法好呢？（醒悟）有嘞，昌嫂帶蝦仔番外家，紡線耕田度日，我親自同李昌變工開荒。佢能够變好，你就回家團聚；如果佢重係冇變，就照阿二嬾話離婚，有我同你作主。

陳：鄉長你諗錯咯，同李昌變工？包激死你！

鄉：我蝕底的唔緊要，李昌會變好我就高興咯。昌嫂，你同意唔同意？

鄉：如果鄉長改變咗佢，你就係我全家嘅恩人。

陳：如果你改變咗佢，我話你係生神仙！

鄉：好，我叫人搵李昌嚟。昌嫂你態度要硬的，我地大家逼佢向好。

羅：哦！

鄉：（向外叫）喂，大路口邊個放哨呀？

黃坤：（聲）係我地兩個。

鄉：黃坤你一個嚟。

（黃持槍跑上，向鄉長敬禮）

黃：鄉長，有乜事呀？

鄉：李昌偷咗佢女人的線，不過我諗佢梗賣唔出嘅，因為鄉民公約上簽過借錢借糧畀個的爛人或者買個的爛人嘅嘢就要罰嘅。黃坤你去搵佢嚟先。

黃：呵，李昌又偷嘢？報告鄉長，李昌同我借米我都冇係佢。（對羅）表嫂，你唔駛傷心，個的線一定重嚟阿昌身上嘅。

鄉：黃坤你去囉。（黃應聲跑下）

鄉：李昌呢次再發惡我就唔客氣。

（黃聲：啱啱搵緊你！走，跟我走！李聲：去邊處呀？黃：鄉長叫你。李：我唔得閒囉，黃：唔得閒都要去，走！）

（兩人上）

李：老表，親戚上頭，你話有見到我咁唔係可以交差囉。

黃：而家唔係講親戚，係講公事。鄉長命令，入去入去。

李：（轉身）

黃：（捉住）去邊？

李：我疴篤尿先。

黃：好，快的。

李（背身，詐作小便，其實將袋內嘅線藏到爛棉納嘅裏便）

黃：（有的發覺，但唔清楚佢裝到棉納窿里。）入去！

李（進，見妻，擰轉頭。）

黃：鄉長，重有事嗎？

鄉：好，你去放哨。

黃：好！（敬禮）（下時以手掃插袋示意鄉長線係李袋內）

鄉：（點頭走近李）你正話做乜野？

李：四圍行吓之嗎。

鄉：線呢？

李：扇咩？（以手作扇風狀）鄉長，咁冷要扇做乜？

鄉：唔好扮豬食老虎嘞。棉線嘅線！蝦仔阿媽紡個的線邊個偷咗呀？

李：（詐作如夢初醒）呵，唔知邊個衰仔偷咗嘢。

鄉：吓，你都鬧衰仔？

李：係嘞，偷線嘅真係衰仔咯。

鄉：唔駛多講嘞，攞緊線出嚟。

李：我見都冇見過，攞乜野呢？

鄉：搜身。

李：（不在乎）搜喇，搜唔出要你賠償名譽。

鄉：（先搜袋唔見，逐件衫搜過亦唔見）

李：搜完啦嗎？當鄉長隨便冤枉人賠償名譽喇。

鄉：我重要搜。

李：搜唔係搜嚟。

鄉：（嚙衾上，身裡亦捏去，忽然發現腰間凸出一塊，用手一抓）呀的係乜野嘅？

李：（將鄉一推）哎呀，好痛呀！人地生瘡，你亂咁撞。（用手按凸出處，雪雪呼痛）

鄉：重詐諦，擺出嚟。

李：人地個瘡啫嗎。

鄉：你個瘡就唔同人嘅，你個瘡嚟兩頭走嘅，真活動咯。

李：係呀，呢種係奇難什症嚟㗎。

鄉：有乜奇難？擺出嚟就好個咯。

李：（重詐痛）

陳：我就有聽過你腰骨生瘡……

蝦：冇瘡啫，我知到。

李：（嚇佢）刁那媽！（蝦嚇得縮嚟羅身後）

鄉：李昌，擺線出嚟。再係呢鋪爛仔相，我就呼自衛隊嚟㗎喇。

李：（不動）

鄉：（大聲）擺出嚟。

李：（睇一下鄉長，氣凶凶喺棉納嘅破棉絮堆里便扯出線嚟掉到地下。）擺去！
陳（執起線）

鄉：李昌，你吹烟犯賭，重要偷公家棉線，隨便打老婆。政府容忍你幾次？我地係講民主，愛護百姓，所以對你客氣，希望你改好，你應該識想至係！

李：我自己打老婆都算犯法？

鄉：老婆雖然係你嘅，但係佢係解放區嘅老百姓，政府就要保護，而家男女平等，不准

蝦霸婦女。

李：我唔聽你咁多嘢。

鄉：你如果唔講道理，政府就要辦你！

李：辦囉！（大模大樣走）

鄉：（拉住）你去邊？

李：返屋企！

鄉：事幹未解決，唔返得去。

李：你重講民主？我連返屋企嘅自由都有嘞！

鄉：你犯咗大錯，有人告你，而家你有自由。

李：你會食咗我咩？

鄉：豈有此理（向外喊）黃坤，叫自衛隊派兩個人來。

（黃聲：我地兩個人已經換班喇，就我地兩個嚟喇。）

鄉：好！（黃同一個自衛隊上。）

黃：鄉長（持槍敬禮）

鄉：你地企向外便。（二人分兩旁立）

鄉：李昌你的錯處大家都知到。而家有兩條路：第一條路係改邪歸正，生產勞動，變成

好人；第二條路係送上區政府，區政府送上縣政府，當一個犯人。你點呀？

李：（氣凶凶不言語）

鄉：大家都唔得閑，全鄉正在組織生產勞動，我有咁得閒同你打牙較，只要你講一句：

走第一條還是第二條？

李：.....

鄉：你諗吓：全家有食有着好呢還是同老婆離婚畀人睇唔起好呢？

李：（氣稍平，聽完以後有咁惡）

鄉：（用感情話爭取）我同婦女會長勸過你幾次，無非爲你好啫，而家爛仔唔行得通個咯，冇人怕個咯，你點搞落去？

李：（長歎一聲，踏低，抱頭。）

鄉：講啦，到底走邊條路？

李：（又歎一聲）

鄉：唔好阻我時間嘞，我不能再等咯。（起立，走近李）講喇，一句說話。

李：（求饒一樣）我都想學好嘅，不過我咁窮，想好都好唔嚟。

鄉：只要你學好，生產勞動，政府就幫你，大家亦幫你，唔會好唔嚟嘅。

李：哦，咁我……試下勞動喇。

鄉：試下？勞動就要下決心，唔能够三心兩意嘅。

李：好

鄉：真嘅？

李：真嘅。

鄉：好，而家講好條件：我地兩個實行變工開荒。同你開十二畝地，又同我開十二畝。

日日勞動，唔准偷懶，做得到冇？

李：哦。

鄉：唔係淨搵把口講㗎。講明白先：蝦仔兩仔嚟番去阿婆處住，靠自己生產過日子。你變得好佢就番嚟，變唔好政府就同你辦離婚手續。人地一個勤苦婦女唔應該被你累死一世。

李：鄉長，你叫佢跟我番家，我變好就係嘞。

鄉：跟你番家，你又駛佢紡線剩落嘅錢係嗎？

李：我一定學好。

鄉：唔得，學好咗再講。

李：鄉長，你叫我學好就學好，我地夫妻事你唔駛理咯。

鄉：我唔係要理，蝦仔媽唔肯受你壓迫嘛！

李：我從今以後唔打佢鬧佢就係咯。

鄉：你未曾變好，邊個都唔信你。

李：鄉長，做下好心，叫佢跟我番屋企。

鄉：你自己問喇。（示意黃等返去。黃，自下。）

李：蝦仔媽，跟我番去喇。

羅：重捱唔够咩，我唔番去。

李：我唔打你開你咯。

（陳對羅使眼色，堅定佢。）

羅：我唔番去。你有講過一句真心話。

李：我呢次一定學好。

羅：又有寫包單嘅，好咗至係好㗎。

李：咁你真係唔番李家咩？

羅：睇嚟，你學好再講。

李：哎（轉意）蝦仔，你同我番去。

蝦：我唔同你去。（又匿嚟羅背後）

李：唉！（哭，抹淚）

（羅亦哭）

李：蝦仔媽，我地十多年夫妻咯，唔通我對你冇的好處？

羅：十多年？我捱打捱鬧捱餓捱咗十多年咯。（陳點頭）

陳：你諗住去學好吧喇，唔好諗昌嫂而家跟你番歸嚟。

李：唉（又踏低）

鄉：好啦，唔使講咯，係咁話喇，李昌！

李：吓！（起）

鄉：唔使你傷心，下決心生產學好，到時全家團圓，重好啦！


李：（點頭）

鄉：得咯，我再將你地嘅條件講一次就番去喇。（龍舟）真心話，對你講穿。你安心坐

落聽我言，只要你學好能轉變，包保你全家大團圓。假若你還不轉變，離婚拆散走

兩邊。

陳：鄉長嘅話唔錯㗎！



鄉：（接龍舟）我地兩人把工變，鷄啼就要上荒田。第一唔准你去蔣區抽鴉片，第二唔准你閑游兩蕩東村走過西村。牛屎豬屎要執多幾轉，作爲肥料不用花錢。乾枯土地要鋤三遍，番薯芋頭種在田邊。插秧割禾手把眼見，生產計劃要做完。食得飽來穿得暖，親朋戚友笑喧天。若果依我所言來兌現，我答應你借糧又借錢。

陳：（接唱）我借個瓦罌畀你真方便，免得你鑊頭賣去斷炊烟。

羅：（接唱）我母子雙雙回家院，只要你洗心革面不學從前。

鄉：（接唱）若果你懶蛇或者吹鴉片，我就從嚴處罰有約在先。

陳：（接唱）咁我借瓦罌畀主張要改變。

羅：（接唱）咁我仔慳勢難共你講團圓。

鄉：說話講晒嚟，望你走條好路。到開荒個陣，我搵你先同你開荒，好唔好？

李：好。

鄉：咁番去喇。（李嘆口氣下。）

陳：我睇李昌好難變好。

鄉：盡力喇，我下決心改造佢。昌嫂，你地番外家喇，勤力的生產紡綫就得咯。

羅：呵，我偕公家個架紡車重嚟屋企。

鄉：我叫人幫你送去喇。二嬸，你陪昌嫂返外家。

陳：重使你吩咐咩？

鄉：昌嫂，阿昌變好個陣，你就要番家，唔好變心嚟。

羅：鄉長，我聽你話。

陳：蝦仔，我地走咯（三人下）

（幕）

第五場

裏幕之前係李昌屋企。

外邊有人敲更鼓。

李昌剛唔着，唉聲嘆氣。

李：（嘆五更）

初更鼓响咚咚，天寒地凍夜朦朧。

牆窿老鼠吱吱叫，妻離子散剩落一支公。

李昌做人真懵懂，今日「寡人」一個好似一條虫。

二更新月上東邊，想起橫床直竹我就不成眠。

至衰鄉長無人性，好戒唔戒叫我戒烟！

最歎莫如吹鴉片，剛低嚙食幾咁自然！

二更月影婆娑，月中仙子叫做嫦娥。

講起嫦娥想起佢，去外家嚟住幾咁奔波。

我呢個丈夫唔立品，累人累物累老婆。

四更明月冷清清，想起明朝開墾我就不安寧。

揸起鋤頭攪我命，唔知條柄點樣來擰。

烟槍條竹我揸得正，點揸鋤頭條竹我就唔明。

五更殘月漸歸西，鄉長鷄啼就要曉。

幸好鄉長有病在身唔郁得，一係拉長今晚月呀你咪沉西。

我制烟制成咁翳肺，叫我如何開土夾鋤泥？

（無力，蹣來蹣去。）

（外面五更聲，鷄叫。）

李：鷄啼咯，鄉長梗嚟叫我開荒咯，死嚟，死嚟！（不安，行來行去）

鄉：（上，唱中板）天上明星光慘淡，叫埋亞昌上高山。開荒勞動至緊要起模範，想要
阿昌變好有何難。（白）阿昌。

李：點呀（震）。

鄉：幾好呀嗎？

李：好乜野？週身骨疼。

鄉：戒烟梗係辛苦嘅。落力做一日工，出鷄身汗，番嚟冲個涼，一覺刷到大天光，幾日
就斷癮嘅咯。

李：唉。（打呵欠）鄉長，都係遲幾日至開工咯，好嗎？

鄉：唔係呀，今日同你鋤幾筐地先呀。

李：等兩日添喇。我唔精神喇。

鄉：唔好，勞動早一日，精神早一日。

李：等一日添喇。

鄉：唔得，我地講妥咗，冇變嘅咯。

李：我……

鄉：你乜野？

李：我……我有鋤頭。

鄉：我帶咗嚟咯（指帶來嘅兩把鋤頭）你一把，我一把。

李：（擰鋤頭）我自細都未揸過鋤頭，我……

鄉：學嘅啫嗎？邊個耕田佬一出娘胎就會耕田嘅呢？咪講咁多，開工大吉。

李：哎。

鄉：行喇（二人行，裏幕升起，到田地。）

鄉：（中板）一路行來一路唱，不覺來到是平陽。揸起鋤頭心歡暢，鋤開土地種禾秧。

（白）拿，鋤頭係咁揸嘅，手滑就哋篤口水。（做樣子）記得冇？

李：記得咯。

鄉：好，鋤喇。

（二人鋤地，配合鼓聲。鄉長大力，鼓响較大聲，李昌細力，鼓响較細聲。）

鄉：昌，出力至得㗎，地鋤得鬆，容易插秧呀。

李：唉，我都有力。

鄉：後生仔！睇我，幾十歲咯。拿，舉高的個鋤頭，鋤喇！

李：哦。（二人鋤幾下，李停手。）

李：鄉長，抖一陣喇。

鄉：正話郁手就抖咯？唔得，鋤喇。

李：（不得已鋤幾下。）鄉長，我頂唔順呀。

鄉：唔緊要，提起精神，鋤喇。

李：鄉長，抖陣啦，好辛苦呀。

鄉：你辛苦就抖陣啦。而加我幫你開荒，我唔出力，點對得住你？（唾的口水嚙手，擡

緊鋤柄，又鋤起嚟）

李：（唔好意思，又鋤幾下，腰又痛咯）

李：鄉長。（鄉長唔理）鄉長！（鄉長又唔理）鄉長老爺，你抖下喇，我好辛苦呀！

鄉：（自己鋤）我唔辛苦，你抖喇。

（「日本鬼黑良心歌」調）擡起鋤頭大力鋤，鋤開土地好種禾。噢噠噠，噠阿腰，

鋤開土呀地，好種禾呀哋呵噯，唵哋噯。勞動變工不糊混，當你開荒要認真，唵哋噯。哋呵噯，當你開呀荒，要認真呀哋呵噯，唵哋噯。

李：（只好邊鋤邊唱）大霧暮薯生沙虱，後生唔及老年人。唵哋噯，哋呵噯，後生唔呀及，老年人呀哋呵噯，唵哋噯。唔理手臂腰骨疼，咬緊牙關鋤一通。唵哋噯。哋呵噯，咬緊牙呀關，鋤一通呀哋呵噯，唵哋噯。

（鋤咗一陣，支持唔住）

李：（停手）鄉長。（鄉唔理）

李：（上去拉鄉）鄉長抖下喇，我上氣唔接下氣咯。

鄉：你抖下啦，我唔緊要。

李：你都抖下喇。

鄉：我唔辛苦。（轉身又鋤）

李：（拉住佢）鄉長，你唔抖，我點好意思抖？

鄉：（誠懇）你同我唔同，你有耕過田，烟癮又起，抖下先啦，我原諒你。（推李休息）（休息一陣喇，抖下再鋤。（自己鋤。）

李：（坐咗一陣，見鄉猛鋤，唔好意思，自己又鋤起嚟，萬分辛苦，但仍掙扎，不時抹汗，槌腰，氣喘）

李：（邊鋤邊唱春牛調）鋤咗兩鋤頭又痛，今日李昌學做工，（重句）（過門鼓聲）幾十歲人都勞動，自己唔做講唔通。（重句）（過門鼓聲）

鄉：（接唱）世事要好靠勞動，世界建設靠工農（重句）（過門鼓聲）舊時做人大懶漢，今日要做勞動英雄。（重句）（過門鼓聲）

李：（齊唱）揸起鋤頭鋤土地，嚟咗，鋤開土地真有死。好弟兄，好伙記，你嚟，我嚟，努力開荒靠心機。（過門鼓聲）政府獎勵老百姓，嚟咗，嚟咗，嚟咗，落力生產最光榮。好弟兄，好伙記，你嚟，我嚟。開荒耕種享太平。（過門鼓聲）（唱完鋤完，大家抖咗一啖氣。李昌搖搖欲墮。）

鄉：阿昌！

李：（抖氣）

鄉：（扶住佢）你辛苦咯。

李：唔……唔辛苦……

鄉：好呀！你有心機，有辦法！

李：（撲籮）唔……唔辛苦……

鄉：（替佢抹汗）你睇，我地今日鋤咗好多咯。

李：（抖擻精神）我地再鋤……

鄉：好咯，應該食飯咯。去，去我屋企食飯！

李：今日同我開荒，點好反為食你嘅飯呢？

鄉：睇，我知道你屋企冇錢。去啦，而家你食我嘅，等你將來割咗禾，你至請我喇，去咯。

李：呢個……

鄉：駛乜客氣？以後我地係好兄弟咯。拿，聽日開工個陣我打一甌斗米你，而家食飯先去咯（拖李下）

（幕）

註：呢場係高潮所在，演員要特別注意。李昌最初工作時嘅辛苦情形，烟癮起嘅狀況，要加深表現。唱春牛調要配合鋤地動作，熱烈嘅場面顯示出李昌嘅轉變。

第六場

羅氏外家。

羅：（紡線，唱孟姜女調）搖動紡車不停手，依家無人蝦女流。勞動做工人人有，男女平等享自由。（白）日子過得真快，而家天時暗熱，不經不覺我番外家已經將近半年咯。聽講蝦仔爸爸有咗轉變，如果佢變番好人我就謝天謝地咯。（繼續紡線）

蝦：（揸一把鋤頭仔上）媽，頭先我去鋤草，見到個個呀嘢隔離村經過，面色紅紅噉，幾乎我都唔認得咯。

羅：邊個呀呀？

蝦：就係……（想講爸爸，但係有的唔愿意，唔知點講好）呢，就係舊時我個爸爸呢。

羅：蝦仔！

蝦：吓。

羅：乜咁舊時？而家就唔係爸爸咩？蝦仔。以後唔好「個個野」噉叫阿爸爸，聽見嗎？

蝦：呵，個個野……（自知失言）呵，舊時個爸爸……（又自知失言）呵，而家個爸爸

担住個大鋤頭，個面好潤嘅，腫起上嚟呀！（用手比較）

羅：（笑）傻仔，佢係肥，唔係腫呀？點呀？佢有同你講嘢嗎？

蝦：冇，佢見我唔倒。

羅：佢着件乜野衫呀？

蝦：着件繭綢皮，新造嘅。

羅：（想咗一陣，微笑）哦！蝦仔，你鋤完草未呀？

蝦：未呀，不過我見到爸爸，就走番嚟講你聽先之嗎。

羅：哦！（笑）你番去鋤草先，我紡埋呢的線就落田咯。

蝦：哦，我去先吓。（操兵式，担起小鋤頭，唱打倒列強調）担起鋤頭，担起鋤頭，去

做工，去做工。要做勞動英雄，要做勞動英雄，快耕種快耕種。（下）

羅：（一邊紡線，一邊細聲自語）佢手揸住鋤頭，一定係去耕田；佢面色紅紅，一定戒咗

鴉片；鄉長真係生神仙，爛仔佢都可以轉變。民主政府真正好，人人有嘢做人安

樂過時年。（浪花）聽阿蝦仔講來我真係心花怒放，想唔到個精賭鬼佢都落力開荒

改造壞人解放區有好榜樣。我要謝天謝地慶幸得番個好夫郎。

（幕）

第七場

田邊樹下

李：（上，數白橈）我撻鋤頭，有六個月長。落田耕種有誇張。教導提携有鄉長，爛人性格變優良。舊時食烟真混帳，人人斃死我李昌。學會勞動也都唔想，實行戒煙換過心腸。當初手騰兼脚震，鷄手鴨脚學開荒。自愧當初無面子，專行小路不敢走平陽。發誓立心勤耕種，耕種成功至敢出前莊。六個月來好光景，洋烟戒甩能力增強。而家肥尸衆大變，手瓜起脹面發紅光。種落早禾好幾畝，自耕自食幾咁風涼。飽暖之時想起蝦仔，拋離佢仔慳確實心傷。當日鄉長曾作證，我能改過佢就返門牆，至好搵着陳二嫖，轉告鄉長有主張。等佢母子回家轉，團圓慶聚樂洋洋，樂洋洋。（放低鋤頭，坐樹下。）

陳：（担飯担上，接唱白橈）禾種落，綠油油。風調雨順等秋收。呢排人人去鋤草，我嚟送飯送到田頭。望見南瓜好似肥肚脰，豆角青青一抽又一抽。粟米芋頭真大舊，

甘蔗條條個曬。今年收成有撞板，滿倉滿屋唔駛憂。雀仔樹上吱吱叫，等我放低飯担抖下膊頭，（重句）

李：（起身）啊，原來二孖，好耐冇見咯。

陳：阿昌，揸起鋤頭去鋤草係嗎？

李：係呀，我同鄉長變工開荒，開咗好多田地。而家種落咗禾咯！有的地我種咗什糧，剛剛想去鋤草。

陳：（端詳）阿昌，近來面色好得多咯。呀，呢套新繭綢皮係唔係阿昌嫂聯嚟？

李：二孖唔好講笑咯，你都知到佢未番嚟喇。二孖，你都唔知我幾孤寒，唔好講冇人造衫，就係一日兩餐，都係我一支公屈你借俾我個瓦罏咋！

陳：我知到你嘅心事。點呀？你而家好孤寒咋？

李：（還開主題）唉，蝦仔唔响身邊，我呢個老豆真有的孤寒咯咯。

陳：阿昌，我睇。蝦仔媽唔响身邊，你呢個老公有的孤寒啫？

李：.....

陳：（取笑）阿昌，蝦仔媽唔敢番嚟，怕你打啗。

李：二嬸，唔好提我呢的衰嘢咯。舊時個李昌死咗咯，而家個李昌就係多得你地大家轉變嘅，佢係番生嘅李昌，佢以後唔會打老婆個咯。

陳：你而家生性都唔遲。點呀？你呢個番生老係係唔係想見下個老婆呀？

李：（唔好意思）我想見下嫂仔，我諗佢一定高咗咯。

陳：唔駛响處整色水咯，我對鄉長講，聽日叫昌嫂同蝦仔番歸。你而家轉變咗，佢都應該番嚟咯。

李：佢番來幫手，我重可以耕多的地添。

陳：好幾個月咯，你聽日要煮定殮飯至得囉

李：我預備好嘅嘞

陳：重要斬番幾兩燒肉……

李：燒肉？我手頭冇錢嘅。

陳：我借的畀你（敷一疊銀紙畀李）斬的燒肉，炒番味鯪，煮的靚飯喇。

李：（接銀紙）咁樣，我聽日請客，陳二嬸你一定嚟，我重要請埋鄉長。

陳：好，我一定嚟睇下你地。

李：好，你早的對鄉長講喇。

陳：得咯，唔使咁長氣咯，快的去鋤草喇。

李：哦。（下）

陳：（中板）民主政府頭頭是道，愛護百姓有功勞。李昌夫婦能相好，老鄉長佢立功高。

。（下）

（幕）

第八場

李昌家。

擺好抬櫈。

李：（木魚）請人客，食一餐。蝦仔阿媽就回還。燒肉斬開香噴噴。肉絲炒菜大嚼一番。掃淨地方迎賓客，執靚床鋪等佢回還。蝦仔阿媽見到心中笑，佢話（學女音）阿昌今日嚟得幾交關！（男音）收拾碗盤將菜擺，茶香飯靚確係有彈。鄉長二孀上邊坐，我地公婆同坐不孤單。重有蝦仔坐張高高櫈，等佢自己夾餸有艱難。（排碗筷，忙碌到極。）

羅（夾一個大包袱，蠟燭紡車上。唱中板）手拖蝦仔把路趕，不覺來到家門前。半年未有回家轉，來到門前心就酸。

（羅進，李正擺碗筷，兩人一見，低頭無語，一陣又眼光相碰，各自低頭拭淚。蝦仔睇實碟上餸菜，有注意爸爸媽媽。）

李：蝦仔，爸爸煮好餸等你返來。

蝦：（望咗李一眼，躲在羅身邊）

（鄉，陳上）

鄉：（前調）李昌聽從人規勸。

陳：（接）好人夫婦慶團圓。（進門）

李：鄉長，二嬸嚟嘞。請坐，請坐。

羅：鄉長，二嬸，請坐。

鄉：你兩仔乜一早番嚟咯咩？

羅：正話番嚟。

（陳隣屋內擺設）

陳：執得咁靚，都係阿昌郁手嘅咩？唉！真係今時唔同往日咯。

鄉：所以我話阿昌係能够轉變嘅。如果依照二嬸意思，蝦仔媽一早就同阿昌離婚咯。

陳：我應該向鄉長學習。（又打趣）昌嫂，你睇，阿昌肥咗啫？幾靚仔！

（低頭笑）

李：（亦唔好意思）

陳：你睇，半年冇見，又變成新心婦新女婿咯，連說話都唔敢講。（陳，鄉大笑）

鄉：（審視李，羅）呵，真似一對新人！（突然見蝦仔）嚟，蝦仔企响處就唔似嘞！（

大家笑）

李：鄉長，二嬸，你地坐上便。

鄉：坐。（大家推讓一番，坐下）

鄉：阿昌。買咁多餸，自己人駛乜破費呀？

李：請你老人家飲杯算乜呢？你重好過我生身父母，我父母將我縱壞咗，你至係教我學

好嘅人。

陳：鄉長飲啦，今日大家高興吓。

鄉：飲！（大家推讓飲酒，蝦仔唔客氣噉猛食餸）

鄉：（起身，舉杯，唱小調）飲清呢杯燒酒，慶豐收。人生須奮鬥。唔駛就憂，解放區內有自由。歡喜透，真講究，皆因耕種早籌謀，變工生產有閒遊，飲清呢杯慶豐收。

全體：（舉杯，復唱前詞一次）飲喇！

李：鄉長，我舊時唔成人，而家我要參加自衛隊，死都要靠緊人民軍隊咯。

鄉：好嘢！

羅：一嬌，我要响婦女會多做事，你要時常指教我。

陳：係定喇，你唔講我都咁諗咯。

鄉：好，而家你地日子過得去咯，就叫蝦仔去讀民衆學校喇。

李：係。

鄉：（扒完兩啖飯）多謝多謝，我呢幾日變工突擊鋤草，好唔得閑，我想走咯。

李：坐下添啦。


陳：我都扯咯。

羅：二嬌坐耐的喇。

陳：唔咯！婦女會嘅事我要去關照一下。

鄉：蝦仔，乖乖地聽爸爸媽媽話吓。（夫婦送佢地下場）

李：（執碗碟）碗碟我黎執，今日你唔駛勞動。



同：我執，你抖吓喇。

李：你而家將我教育好，舊時對你唔住，而家應該服侍下你。

（嬌怒）走開，我睺執。

李：（好高興咁睇住羅執碗碟）

（羅端碗碟下）

李：蝦仔。

蝦：（望一眼擰轉頭）

李：蝦仔，亞爸抱下你。

蝦：（推開）你重係打我嘅。

李：傻蝦，而家爸爸疼你呀。（抱佢）你爸爸，戒咗烟，同鄉長變工開咗十二畝荒，種

咗禾同埋什糧，今時唔同往日咯。我變咗好人，唔打你嚟嘞。

蝦：（相信）咁……爸，我要讀書。

李：哦，你住學校，爸參加識字班。

羅：（上）蝦仔爸，你邊處有錢買酒肉呀？



李：我自己有錢嘅。

羅：你車大炮。

李：（笑）二孖借錢畀我嘅。

羅：我紡線聽好多錢，你還畀二孖嘅。（數銀紙）

李：你唔怕我擺去吹烟賭錢咩？

羅：今時唔同往日咯！（交錢）我重帶咗的布番嚟，同你聯兩套新衫喇。

李：（抱得蝦仔更緊，將佢舉起）啊蝦仔，你亞爸今時唔同往日咯

（幕）

附註：（一）本劇係根據馬健翎嘅「大家喜歡」改作。

（二）本劇在台上演出，只要必需嘅道具齊全即可，其他佈景可以省去。

（三）如無舞台，可在廣場演出，前幕內幕均可省去。戲完後演員自行下場，只要「檢場者」每場搞好道具便妥。

文藝理論叢書

周而復主編

北方文叢

第二輯

第三輯

論馬克思主義文學理論
中國文學的復興
文藝與國民性
革命文藝學
瞿馮列寧蘇周
秋乃舍爾
白超寧夫爾
著著著
基斯希坦編

洋鐵桶的故事(長篇)柯藍
李有才板話(中篇)趙樹理
茅山下(中篇)東平
高原曲(短篇)周而復
劉巧圓(說書)韓起祥
路安風物(報告)吳伯簫
荷花淀(散文)孫犁
王貴與李香香(長詩)李季
三打祝家莊(平劇)任桂林等
釋新民主主義的文學(論文)艾青

李家莊的變遷(長篇)趙樹理
紅旗呼啦啦飄(中篇)柯藍
翻身的一年(中篇)周而復
我的兩家房東(短篇)康濯
四十八天(報告)陳祖武
人民英雄劉志丹(唱本)孔厥
白毛女(秧歌)賀敬之等
逼上梁山(平劇)集體創作
同志你走錯了路(話劇)姚仲明
在激變中(論文)歐陽

714.8

7700 1537

注 意

1. 借書到期請即送還
2. 請勿在書上批改，圈點折角，
3. 借去圖書如有污損遺失等情形須照價賠償

萬人書

思想教育與工作方法（修養）江
孫中山革命奮鬥小史（政治）胡
學生工作怎樣做（青運）方
新文藝運動簡史（文史）馮乃超
創作的美修（文壇）周鋼鳴
閒話（國報）漢夫
在外國監牢裡（報告）王叔
滅大咬子（報告）唐海
小城三（小說）蕭紅

劉半仙過險記（小說）谷
真假李板頭（小說）劉
毛澤東頌（詩集）艾青等
今時唔同往日（戲劇）歐
切餘隨筆（雜文）夏衍
北望樓雜文（雜文）周而復
中國人民合起來（歌曲）郭杰等
人民的太陽（歌曲）符公望
逼上梁山（圖畫）劉建菴
西瓜弟（圖畫）米谷

今日唔同往日

著者歐文

發行所海洋書屋

香港堅道一三五號地

承印香港印刷合作社

經售各大書店

有著作權
不准翻印


中華民國七年八月初版

0001—2000

82

777

X



H.K. 0.60